

# Daryeelaha Qaraabada ah

## Cadeynta Masuuliyadda Daryeelka Caafimaadka Qof Aan Qaangaadhin

Waxa Aan Cadeynayaa in:

### Warka Qofka Aan Qaangaadhin:

1. Waxa aan oggalahay daryeelka caafimaadka ee la siinayo ilmaha: \_\_\_\_\_  
(magaca ilmaha oo ah xuruuf kala go'an)

2. Taariikhda uu ilmuu dhashay waa: \_\_\_\_\_

### Warka Daryeelaha:

3. Magacaygu waa: \_\_\_\_\_  
(magaca oo ah xuruuf kala go'an)

4. Adreeska gurigaygu waa: \_\_\_\_\_

5. Waxa aan jiraa 18 sannadood ama waan ka weynahay waxana aan ahay qaraabo masuul ka ah daryeelka caafimaadka ilmaha aan qaangaadhin.

6. Taariikhda dhalashadaydu waa: \_\_\_\_\_

7. Waxa aan ahay \_\_\_\_\_ ilmaha aan qaangaadhin.  
(qor waxa aad ilmaha u tahay, sida /ayeeyo, edo/habaryar, adeer/abti)

Waxa aan cadeynayaa iyada oo beensheegid la igu qaadi karo marka la eego sharciga Gobolka Washington in warka kore yahay run iyo sax.

Taariikh: \_\_\_\_\_ Magaalo iyo Gobol: \_\_\_\_\_

Saxeexa Daryeelaha: \_\_\_\_\_

Oggalaanshaha Daryeel Caafimaad  
oo la  
Siiyo Ilmaha Aad Haysid



Tilmaan-bixiyaha Daryeelaha  
Qaraabada ah

### Qoraalo Bilaash ah

Qaraabada oo ah Waalid: Tilmaan-bixiyaha Adeegyada ee Loogu Talogalay Qaraabada Ilmo ku Korinaya Gobolka Washington (Relatives as Parents: A Resource Guide for Relatives Raising Children in Washington State) (DSHS 22-996x) waa tilmaan-bixiye adeegyo oo qiime u leh dhamaan daryeeleyasha qaraabada ah. Waxa uu buug-gaa yari ka gargaaraa qoysaska Gobolka Washington inay helaan adeegyada, taageerada iyo warka ay u baahan yihiin inta ay korinayaan ilmaha qof qaraabo ah.

Ma Og Tahay: Adeegyada iyo Taageerada Soo Socota ee Loogu Talogalay Awooweyaasha/Ayeeyooninka iyo Qaraabada Korinaya Ilmo (Did You Know: About the Following Services and Supports for Grandparents and Relatives Raising Children?) (DSHS 22-1120x) waa buug yar oo ka kooban afar bog ama baal oo taxaya ama qoraya illo kala duwan, gargaar iyo adeegyo taageero loo heli karo qaraabada iyada oo la marayo Wasaaradda Adeegyada Bulshada iyo Caafimaadka (Department of Social and Health Services) (DSHS) iyo hay'adaha kale. Waxa kale oo qoraalkan lagu heli karaa af Kaamboodiya, Shiine, Kooriya, Lawshiyan, Ruush, Isbaanish, Fiyetnaam ama Ingirisiga waxana laga heli karaa rugta internetka ee Maamulka Adeegyada Naafada oo ah: [www.adsa.dshs.wa.gov/Library/publications/](http://www.adsa.dshs.wa.gov/Library/publications/)

Si aad u heshid mid ka mid ah buuggaagtaa yaryar, tag [www.prt.wa.gov](http://www.prt.wa.gov) ka dibna guji barta "General Store" ama wac Waaxda Daabacaadda (Department of Printing) oo leh lambarka 360-586-6360.

Marka aan ahay daryeеле qaraabo ah, ma oggalaan karaa in daryeel caafimaad la siyo ilmo aan hayo ama daryeekiisa aan gacanta ku hayo?

**Haa.** Sharciga (SHB 1281) ee uu soo saaray baarlamaanka Gobolka Washington sannadkii 2005 aaya daryeeleyaasha qaraabada ah u oggalaanaya inay iyagu oggalaadaan daryeelka caafimaadka ee la siinayo ilmaha marka waalidka aan la heli karin – xiita haddii qofka qaraabadi ahi aanu sharci u haysan haynta ilmaha.\* Marka aad tahay daryeеле qaraabo ah, waxa aad oggalaan kartaa daryeelka caafimaadka ee la siinayo ilmo aan qaangaadhin haddii aad tahay qof qaangaadh ah oo:

- aad haysatid amar-siin uu soo saxeexay waalidka ilmuu oo sheegaya inaad adigu gaadhi kartid go'aamo daryeel caafimaad oo ku saabsan ilmaha;
- aad tahay tahay qaraabo masuul ka ah daryeelka caafimaadka ee ilmaha; ama
- aad tahay daryeеле qaraabo ah oo saxeexay taariikhdana ku qoray cadeyn (RCW 7.70.065).

### Waa maxay cadeyn?

Cadeyn waa dukumenti qoran oo la saxeexay taariikhdana lagu qoray oo sheegaya in warka meesha ku qorani run yahay. Marka aad tahay daryeеле qaraabo ah oo qaangaadh ah, waxa aad saxeexi kartaa cadeyn aad ku leedahay inaad tahay qaraabo masuul ka ah daryeelka caafimaadka ee ilmaha aan qaangaadhin.

Inkasta oo sharcigu aan qasab ka dhigin cadeyn la saxeexay, waxa laga yaabaa in bixiyeyasha daryeel caafimaad ay weydiyaan cadeyn. Waa qoraalkan laga heli karaa cadeyn tusaale ah ama waxa laga soo dajisan karaa internetka barta: [www.washingtonlawhelp.org](http://www.washingtonlawhelp.org). Waa aad isticmaali kartaa foomkan tusaalahaa ah ama cadeyn ayaad gacantaada ku qori kartaa.

Maskaxda ku hay in cadeyntu “ay keeni karto in lagugu qaado dambi beensheegid marka la eego sharciga Gobolka Washington”. Saxeexidda cadeyn aad og tahay inuu been yahay waa dambi noociisu yahay Darajada B (Class B felony).

Intee in leeg ayay cadeyntu soconaysaa, maxaana aan sameeyee haddii ay dhacdo?

Cadeyntu waxay socotaa kaliya lix bilood laga bilaabo taariikhda la saxeexay. Cadeyntu way dhacysaa, ka dib lix bilood. Waa inaad markaa buuxisaa oo aad saxeexid cadeyn kale.

Saxeexidda cadeynta macnaheedu ma waxa weeye waxa aan leeyahay haynta sharciga ah ee ilmaha?

**Maya.** Saxeexidda cadeyntu waxa kaliya ee ay kuu oggalaanaysaa inaad oggalaatid daryeelka caafimaadka ee la siinayo ilmaha. Cadeyntu wax saameyn ah kuma laha haynta sharciga ah ee ilmaha ama xuquuqada sharci ee waalidka.



Maxaa aan sameeyaa haddii bixiye daryeel caafimaad uu i weydiyo marag-kac dheeraad ah inaan ahay qaraabo masuul ka ah daryeelka caafimaadka ee ilmaha?

Marka la eego sharciga cusub, adeeg-bixiyuhu ama dhakhtarku waxa uu ku weydiin karaa marag-kac muujinaya inaad masuul ka tahay daryeelka caafimaadka ee ilmaha. Haddii taasi dhacdo, qodobadan soo socda aaya laga yaabaa inay faa'iido kuu yeeshaan:

- (1) Dardaaran sheegaya waxa aad u tahay ilmaha.
- (2) Warqad uu soo qoray shaqaale bulsho, shaqaale dugsi, looyer ama qareen, culimo diin, ama xirfadle caafimaad, caafimaad maskax, ama dabeecad oo liisan leh oo muujinaysa waxa aad u tahay ilmaha.
- (3) Diiwaano ama qoraalo ka yimi dugsi, cisbitaal, kiliinig, ama hay'ad caafimaad dadweyne ama adeeg bulsho oo muujinaya waxa aad u tahay ilmaha.
- (4) Marag-kac ama cadeyn muujinaya inaad ilmaha u soo qaadid gargaarka dawladda, sida TANF, SSI, kuuboonda caafimaadka (medical coupons), gargaarka cuntada (food stamps) iyo qado dugsi oo bilaash ah/qiimahaeda la dhimay.
- (5) Diiwaano ama qoraalo ka yimi Wasaaradda Adeegyada Bulshada iyo Caafimaadka (Department of Social and Health Services) oo muujinaya inaad adigu tahay qofka lagala soo xidhiidho ilmaha.
- (6) Marag-kac ama cadeyn sheegaysa in ilmuu uu ku nool yahay abaarmankaaga ama guriga aad joogtid adiguna aad qaraabo u tahay.
- (7) Caymis aad adigu leedahay ama ilmuu leeyahay oo sheegaya waxa aad isu tiiin.
- (8) Celintaada Cashuurtta Dakhliga ee Federalka (Federal Income Tax return) oo uu ku qoran yahay ilmuu.
- (9) Wixii kale ee ah dukumentiyo muujinaya waxa aad u tahay ilmaha ee sheegaya inaad tahay ilmaha u tahay daryeelle.

Halkee baan gargaar ka heli karaa?

Waxa jira dhawr hay'adoo oo telefonka ku bixiya war sharci iyo gudbin bilaash ah iyo/ama war laga heli karo internetka.

## Wixii ah War

### The Coordinated Legal Education, Advice and Referral (CLEAR) (Hay'adda Waxbarashada Sharciga, La-talinta iyo Gudbinta)

Haddii aad ka yar tahay 60 dakhligaaguna hooseeyo, wac:  
**1-888-201-1014\*\*.**

Haddii aad ka weyn tahay 60 dakhligaagu sida uu doono ha ahaadee, wac CLEAR adiga oo ka wacaya lacag la'aan lambaka **1-888-387-7111**.

Waxa aad cadeyn tusaale ah ka soo dajisan kartaa barta:  
[www.washingtonlawhelp.org](http://www.washingtonlawhelp.org)

### The Northwest Women's Law Center (Xarunta Sharciga ee Dumarka)

Wac **206-621-7692** (waxa loogu talogalay dumarka iyo ragga labadaba)

Booqo rugta internetka ee ku taala barta:  
[www.nwwlc.org/](http://www.nwwlc.org/)

\* Daryeeleyaasha qaarabada ah ee la-shageyn la leh Maamulka Ilmaha (Children's Administration) waxa wali laga rabaa inay haystaan amar maxkamadeed si ay u oggalaadaan qalitaan loo sameynayo ilmo loo dhiiibay iyada la soo maray Qaybta Adeegyada Ilmaha iyo Qoyska (Division of Children and Family Services).

\*\* Iagama heli karo degmada King County. Waa in daganeyaasha King County ay wacaan 206-464-1519 si ay u helaan war iyo gudbin.